

### Песнь 1.

**Ирмос, глас 2:** Грядите людие,/ поим песнь Христу Богу,/ разделъшему море и наставльшему люди,/ яже изведе из работы египетския, // яко прославился.

**Катавасия, глас 8:** Крест начертáв Моисей,/ впрямо жезлом Чермно́е пресе-  
че,/ Израилю пешеходя́щу,/ тоже обратно фараоновым колесницам/ удáрив  
совокупí,/ вопреки написав непобедимое ору́жие. // Тем Христу поим Богу  
нашему, я́ко прославися.

### Песнь 3.

**Ирмос:** Утверди́ нас в Тебе Го́споди,/ дрéвом умерщвлéй грех,/ и страх Твой//  
всади в сердца нас поющих Тя.

**Катавасия:** Жезл во образ тайны приéмлется,/ прозябением бо предразсуж-  
да́ет священника:/ неплодящей же прежде Цéркви,/ ныне процвете дрéво  
Крестá, // в держáву и утверждение.

### Песнь 4.

**Ирмос:** Услы́шах, Господи,/ слух Твоего смотре́ния, // и прославих Тя Еди́не  
Человеколюбче.

**Катавасия:** Услы́шах, Го́споди,/ смотре́ния Твоего та́инство,/ разумéх дела  
Твоя // и просла́вих Твоé Божество́.

### Песнь 5.

**Ирмос:** Сеннописанный мрак гадáний разорíв,/ и вёрных прибытием  
истины,/ Богоотроковицею озарíв сердца, // и нас светом Твоим Христе, на-  
ста́ви.

**Катавасия:** О треблаже́нное дрéво,/ на немже распяся Христос, Цáрь и Гос-  
по́дь,/ Имже паде дрéвом прельсти́вый:/ тобою прельсти́вся,/ Богу пригвоз-  
ди́вшуся плóтию, // подающему мир душáм нашим.

### Песнь 6.

**Ирмос:** Ко Го́споду от кита Ио́на возопí:/ Ты́ мя возведи из глубины ада мо-  
лю́ся,/ да яко Избавителю во гласе хвалéния, // истины же Духом пожру́ Тебе.

**Катавасия:** Воднаго зверя во утрóбе,/ длани Иона крестовíдно распростéр,/  
спасительную страсть проображаше я́ве./ Тем триднёвен изше́д,/ премирное  
воскресение прописáше,/ плóтию пригвожденнаго Христа Бо́га, // и триднев-  
ным воскресением мир просвещáшаго.

**Кондак, глас 4:**

**Иоаким** и **Анна** поношения безчáдства,/ и **Ада́м** и **Ева** от тли смертныя свободистася **Пречи́стая**,/ во святем рождествé **Твоём**./ То пра́зднуют и лю́дие **Твои́**,/ вины прегрешений избáвльшеся,/ **внегда́** зва́ти **Ти́**:// неплоды раждает **Богородицу**, и питательницу жизни на́шея.

**Песнь 7.**

**Ирмос**: **Купина** на горе огнеопа́льная, и росоно́сная печь халде́йская,/ яве предписа **Тя Богоневéсто**,/ **Божественный** бо **Невещественный** в вещественнем чре́ве, **огнь** неопально прияла еси./ **Темже** из Тебе **Ро́ждшемуся** поём:// **благословен** еси **Боже** отец на́ших.

**Катавасиа**: **Безумное** велéние/ мучителя злочестиваго лю́ди поколеба́,/ дышущее прещение и злохуление богоме́рзкое:/ **оба́че** три отроки не устраши **ярость** звёрская,/ **ни о́гнь** снеда́й,/ но **противодышущу** росоносному **Ду́ху**,/ со **огнем** суще по́яху:// **препетый** отцев и нас **Бо́же**, **благословéн** еси.

**Песнь 8.**

**Ирмос**: В **пещи́** отрочестей прообразил еси́ **иногда́**/ **Твою** **Ма́терь** **Го́споди**,/ **образ** же **Сия** из **огня** изымаше, **неопально** входящая./ **Ю́же** поем явльшуюся **Тобою** **конце́м** **днесь**,// и **превозносим** во **вся** **вéки**.

**Катавасиа**: **Благословите**, **о́троцы**,/ **Троицы** **равночи́сленнии**,/ **содетеля** **Отца** **Бо́га**,/ **пойте** **снизшедшее** **Сло́во**,/ и **огнь** в **ро́су** претво́ршее,/ и **превозносите** **всем** **жизнь** **подава́ющаго**,// **Духа** **Всесвята́го**, **во** **вéки**.

**На 9-й песни Честнейшую не поем, прежде же ирмоса и тропарей, припев сей поем**: **Величай** душе моя,/ **преславное** **рождество** **Божия** **Матере**.

**Песнь 9.**

**Ирмос**: **Яже** **прежде** **солнца** **светильника** **Бога** **возсия́вшаго**,/ **плотски** к нам **прише́дшаго**/ **из** **боку** **Девичу** **неизреченно** **воплотившая**,// **благословенная** **Всечистая**, **Тя** **Богородице** **велича́ем**.

**Другий припев**: **Величай**, душе моя,/ **от** **неплодове** **рождшюся** **Деву** **Марию**.

**Катавасиа, с припевы праздника**: **Таин** еси, **Богоро́дице**, **рай**,/ **невозделанно** **возрастивший** **Христа́**,/ **Имже** **крестное** **живоносное** **на** **земли** **насадися** **дре́во**,/ **тем** **ныне** **возно́симу**// **покланяющеся** **ему** **Тя** **велича́ем**.

**И другой**: **Снедию** **древа** **роду** **прибывшая** **смерть**, **крестом** **упразднися** **днесь**: **ибо** **праматерняя** **всеродная** **клятва** **разрушися**, **прозябением** **Чистыя** **Богома́тере**, **Ю́же** **вся** **силы** **небесныя** **величают**.